



先秦 — 清末民初

中國野史集成·續編編委會
四川大學圖書館
編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

18

巴蜀書社·中國·成都

目 錄 (第十八册)

皇明肅皇外史	一
皇明馭倭錄	二五〇
安南來威圖冊	四七五
平蠻全錄	五七九
嘉靖倭亂備抄	八〇六

皇明肅皇外史

四十六卷

皇明肅皇外史序

昔孔父財經定哀俱筆子長纂史景武咸詮察百
步而眉睫是智遠觀者病其闕已故商古之士不
遺推今左子繼傳尤覲縷于獲麟之後也况後主
所是一代之策今存焉苟闕而不彰即有如荀卿
者欲法魏相者欲條將焉由之是故典刑斯在皆
龜鱗宜及而模烈攸關尤闡揚欲急者矣我
國家自

高帝以來二百餘載勳華碩承日星炳烺其為掌故
所籍太史所編摩者充初石室覽典諱而垂千古
矣其他拾康術之遺誼擬講德之緒論搜網餘餘
序

矜鼎鸞夸約班者亡慮數十家雖其辭寡體要事
多外訪而學士續之亦得以窺神功于萬一誠
帝德之發第其所弘裨豈淺渺哉顧其為述皆止
殺帝而往

肅皇以降攬披莫及粵稽四十五年之間神謨廣運
泰道長亨其所以芟蕪作棘觀光揚烈軼六宗
篤二祖咸五帝登三王者但誦跡使窮日不能
殫其紀編章投青充棟莫克究其筆蓋將增二曜
之不磨與天地相為昭章者也可使秘諸金縢械
之蘭臺愚黔首而不欲其知哉予聞之太史氏曰
日者曩我

世宗之實錄也官分六曹草脫十檢為編五百六十

有五為言蓋千有五百餘萬云即使頌之學士課
以備閱將有皓首未窮其帙者而何窺功識德之
能為已自警歲志存典墳至于昭代故實尤所
悉心居常念陳氏通紀草次亡文採摭雖云不苟
而無俚可厭步玉君懋之故武鄭公大政記筆削
平意鉅細不倫比之孟堅帝紀似為整潔以方麟
筆難免持心之姪矣解子憲章錄廣擬羣言自街
傳綜而拾唾餘以富珠璣寶武夫而充祕帙是刻
仲豫之鵠而失焉者也高氏鴻猷錄自取紀事義
殊編年事必核夫始末而高帝初年諸條則分

折璩屑動必繫之歲時而奏詔往復諫嘗銓進
則月日亦審求之于古蓋自我作故不有甄揆者
矣每思兼採諸長勒成一家然職累紛拏抽衣不
暇已而移主都官曹事訟牒頗簡得以其隙肆力
丹鉛故臨初謀終若絲閭念有四家之緒言姑作
緩圖迺舉羣劄創撰
肅謨事鉅者稍挈其領用為標識非敢自附于竊取
關治者備徵其詳匪為雜助聊以廁之臚臚也材
雖足于識小說或異于稗官雖于
聖神治化之隆未能仰贊其什一而視于眉睫庶幾
不殊百步耳苟有握今者欲法而修之或者不外

于是乎其間 國是從違忠佞。惟近世名
賢之語言是據。當時元夫之疏論是憑。不敢毫髮
自用。肺腸觀者幸諒而原之。毋昧為魏收之編史
可也。

萬曆壬午夏六月。甬川范守己書于建康之九二
軒

序

三

社子原初主

國朝自

太祖高皇帝奄有函夏垂億萬年無疆之統受命靈長享國三十有一載建文君超禍嗣祖歷服四暮而自墮天命卒附 皇祖之末簡

文皇帝真鼎定極神謨駁運二十二年之間不遑啓處遊命益隆 昭皇帝絃鼐羣化僅及一年

章皇帝布武弘庥不出十稔而元氣神功之培振于茲猷至 睿皇帝幼冲嗣作返駕復辟首尾二十有九年雖

卷一

一

景帝間立握符七載而昭臨孔固終不能移其寶鼎之傳也 純皇帝初為儲貳廢歸沂却友友殆矣而天命有在神器終及故能享國二十有三稜福履為多皇嗣十人本支並茂其元子 敬皇帝章數大化千古稱良十有八年之間湛恩汪澤流溢八極雖嗣以 毅皇帝之盤遊猶守之十六載無所膏腴詎不遑與其次興國恪守藩服迨及孫子復膺大歷以上繼一百五十四年之統以衍億萬年無疆之傳於戲威矣自 太祖高皇帝下及 毅皇 二祖 六宗 十朝九 帝之鴻烈紀述頗備不遑修訂謹纂 肅皇外史如左

世宗肅皇帝

辛巳正德十有六年夏四月癸卯 帝即位

帝 興獻王子 憲宗純皇帝孫也 憲宗生十皇子長 孝宗敬皇帝次 興獻王次收王益王

衛王雅王壽王汝王湮王榮王弘治七年甲寅興獻王之國安陸州正德二年秋八月 帝生於

興邨時黃河清塵雲見翼軫分已而 獻王薨帝受初嗣理國事至是年十有五矣 武宗無子

臨崩遺詔曰朕紹承 祖宗王業十有七年深惟有孫 先帝付託惟在繼統得人 宗社生民有賴

賴

卷一

二

皇考孝宗敬皇帝親弟興獻王長子厚燠聰明仁孝德器夙成倫序富立遵奉 祖訓兄終弟及之文告于 宗廟請于 慈壽皇太后與内外文武羣臣合謀同辭即日遣官迎取來京嗣皇帝位時十六年三月丙寅也翼日丁卯遣司禮太監韋甯壽宦侯張鶴齡駙馬都尉崔元大學士梁儲禮部尚書毛澄齋 詔諭金符之安陸州戊寅甯壽至興邨 帝迎詔國門外至承運殿開讀已乃登座受符朝藩衛諸臣甯等頓嘆曰乃知帝王自有真也四月壬午 帝辭 興獻王園寢顧瞻不忍去從臣感泣發未發安陸辭 帝母將妃嗚咽涕泗

帝母曰吾兒此行荷負重任母輕言 帝曰謹受
教比發安陸父老攀戀不置 帝以藩衛官按不
隸有司恐為沿途擾特命從官駘安等嚴敕之所
過辭謝諸王供饋屏絕有司珍奇之獻行殿有過
者者目不復眴抵河有饒舟父老跽曰昔 聖天
子初生之歲此河清三百里者三日嘗謂河清聖
出今果然矣丁亥禮部員外郎楊應奎上禮儀狀
請由東安門入居文華殿翼日百官朝見三上箋
勸進俟令旨俞允擇日即位乃大學士楊廷和命
儀部郎中余才所擬也壬寅車駕至良鄉 帝覽
禮部狀謂長史袁宗臯曰遺詔以吾嗣皇帝位此
狀云何於卯至京師止城外廷和固請如禮部所
具狀 帝不許乃御行殿受箋由大明門入日中
即位時久旱是晨大雨向午忽霽萬象咸新翼日
詔曰朕承皇天眷命 列聖洪庥奉 皇兄大行
皇帝遺詔屬以倫序入奉 宗祧祇告 天地
宗廟 社稷即皇帝位深思付託之重實切兢業
之懷茲率由舊章敬承 先志自惟涼德方在中
年尚賴親賢共圖新治其以明年為嘉靖元年凡
正德間冒濫軍功匠校賣緣監織權稅諸弊盡
行墜革故死罪雜犯以下未減有差于是中外鼓
舞若獲更生矣

卷一

三

丙午遣官往迎 帝母與獻妃

初 帝在中途思聖母輒垂泣故即位三日即遣

司禮監官秦文郁恩等齎箋往迎

戊申命禮官集議崇祀 興獻王典禮

帝命集議 興獻王主祀及追崇尊號禮部尚書

毛澄請于大學士廷和廷和出漢定陶王宗傑王

事授之曰此足為據異議者即去詎當誅矣

出禮部侍郎王瓚于南京

有侍對公車舉人張璠者瓚同鄉士也瓚璠言帝

入繼大統非為人後與漢哀宗英不類瓚然之宣

言于眾大學士廷和謂瓚獨持異議令言官列瓚

他失出為南京禮部侍郎而以侍讀學士汪俊代

之

五月以吏部侍郎袁宗臯為禮部尚書兼文淵閣大

學士參預機務

論扈從功也以長史袁宗臯為吏部侍郎尋進尚

書大學士承奉張佐戴永為御馬監太監護衛指

揮駘安為錦衣衛指揮餘四十人俱增秩有差

某士于西角門

初武宗南巡故廡辰南宮所取士未對制策禮部

上言武宗在廡不宜于奉天殿策士乃就西角門

以設其典是日發策即以追崇本生為問士多依

卷一

四

阿賜楊惟聰等及第出身有差

加故尚書韓文太子太保柱國任其一孫

先是召文赴官以疾辭時年八十有一矣故遣

行人存問加宮保柱國頒月祿養之仍蔭一孫為

先祿寺寺丞

加章懋南京禮部尚書

時懋亦年逾八十加秩致仕令有司以時存問

六月以王守仁為南京兵部尚書

時欲召用不果故有是命守仁因疏乞省墓矣

己亥復遣官往迎帝母興獻妃

遣太監戴永等齎箋再迎于途

卷一

五

逮繫吏部尚書王瓊于詔獄論死

初正德間都御史彭澤經略哈密貽土魯番速檀

滿速兒金綺器物易哈密城及金印比城印未還

而澤即上書言事平乞歸朝廷信之召澤還

京理都察院事已而滿速兒知我撤兵不還城及

金印更要索無已且遣姦謀出入肅州熈我諸熟

夷為中竊兵備副使陳九疇偵知之悉捕下獄而

阻其勞賜不之發滿速兒怒以萬騎寇肅州遊擊

將軍芮宣出禦敗績亡卒八百人九疇嬰城自固

恐諸夷謀中變捕表甲者悉誅殺之有哈密都督

失拜烟答者與滿速兒通九疇亦誅死乃潛結瓦

刺吏首掠其畜落破三城滿速兒狼狽引去九疇

軍從後徽之斬獲頗多時失拜烟答子米馬兒黑

麻入貢在京聞其父死突入長安左門鳴父冤下

錦衣衛法司會鞠兵部尚書王瓊乃發彭澤敗固

及九疇激變長師狀逮繫九疇至京廷鞠之幾

殺澤大學士廷和營解得免仍削九疇籍為民至

是言官劾瓊挾私忌功傾陷澤九疇廷和素善澤

乃逮繫瓊詔獄滿成榆林

起彭澤為兵部尚書

瓊既論滿乃復起彭澤為兵部尚書

勅修武宗實錄

卷一

六

命禮官集議追崇大禮

初尚書毛澄會公卿臺諫等官六十餘人上議漢

成帝立定陶王為嗣而以楚王孫後定陶承共王

祀師丹以為得禮今上入繼大統宜以益王子

崇仁王後興國其崇號則襲定英故事以孝宗

為考興獻王及妃為皇叔父母祭告上箋稱姪

署名而今崇仁王考興獻王叔益王帝覽曰

父母可移易乎其再議于是大學士廷和及蔣冕

毛紀等復上言程熙備議最得禮義之正皇上

未而行之可為萬世法惟興國祀事今雖以崇

仁王異日仍以皇次子後興國而改崇仁為親

藩天理人情庶兩無失尚書澄侍郎俊等六十餘人亦復上議如廷和言帝不聽仍命博考典禮以求至當已而廷和復上言舜不追崇翳睦漢世祖不追崇南頓君皇上取法二君斯聖德無累澄等七十餘人又上議武宗皇帝以神器授之陛下有父道焉特以昭穆既同不可為世孝廟而上禍祖曾高以次加稱豈容異議興獻王雖有罔極恩斷不可以稱孝廟者稱之也因錄魏明帝詔文以上留中不報御史周宣進士屈儒侯廷訓亦各奏議如禮官指帝終不從仍命集議

卷一 北齊書

贈先朝諫死諸臣官任其子
初正德己卯武宗欲南巡幸修撰舒芬等百有三十餘人各抗疏諫之旨逮繫二十餘人于詔獄已而命長監關廷下五日仍各廷朴之死杖下者十有一人員外郎陸震行人司副金廷瓚主事劉校何遵評事林公黼磨劉珏行人孟陽李紹賢劉平甫李翰臣詹斌刑籍五人郎中黃暉夏良勝萬潮博士陳元川及陸震成邊一人徐鑿餘俱奪秩外補云帝念其忠故有是命死杖下者贈官廩其一子成邊削籍補外者俱錄用之
秋七月進士張璠上言大禮

初羣議敬考孝宗穆獨不以為然自王璠去廟不敢申其說至是見帝屢駭羣議乃上疏曰朝議故上考孝宗叔興獻王此拘定陶濮王故事爾夫漢哀宗英皆立為皇嗣養之宮中是尚為人後者故師丹司馬光之論猶可今遺詔謂皇上倫序當立不謂為孝宗後比之哀英較然不同攝興獻王以皇叔父鬼神固不能無疑也况稱聖母以皇叔母則當以君臣禮見恐子終無臣母之義故謂皇上繼統武宗而尊崇其親則可謂繼嗣孝宗而自絕其親則不可臣竊謂今日之禮宜別為興獻王立廟京師使得隆孝親之孝且使母以子貴尊與父同斯興獻王不失其為父聖母不失其為母矣疏入帝遣司禮監送閣中諭廷和曰此議實違祖訓據古禮爾曹何得誤朕廷和曰書生焉知國體復持入帝熟覽之喜曰此論一出吾父子可終完矣是日帝御文華殿召廷和冕紀入諭曰至親莫若父母因授以手劾曰卿等所言俱有見第朕罔極之恩無由報爾今尊父為興獻皇帝母興獻皇后祖母即為康壽皇太后廷和等退而上言曰禮謂所後者為父母而以所生為伯叔父母蓋不啻降其服又異其名也臣等不敢阿諛順旨封還手劾

卷一 北齊書

帝為中止

八月查革冒濫武職

初正德間安化謀逆仇鐵平之太監張永據為己功既而谷大用馬永成陸闇魏榜等賞緣奏帶其弟姪張富張容谷大寬谷大亮馬山陸永魏英等俱封伯其錄授都督都指揮者尤眾帝即位之初即詔查革諸冒濫款分一十有三一曰傳陞二曰乞陞三曰例外奏帶四曰報効五曰一人數處報効六曰一時數處報効七曰併功八曰冒籍九曰吾邊不曾誠斬巧立名目十曰兵部擬賞奉旨陞級十一曰緝捕妖言姦細一應陞級十二曰

卷一

九

大同應州冒濫功次十三曰納職加陞命給事中夏言御史鄒本公兵部主事汪文盛覈之言等奉命會覈錦衣等衛應革者三千一百九十九名簿錄奏上因言正德間軍功之濫其弊有三奏帶之數太多紀驗之次失實武選之法盡壞如鎮守官奏帶例宜五名今至三四百人往往安居京師寄名遠徼有一人而數處奏名一時而數方獲功者其不在斬馘之列又巧為名目曰運送神鎗曰齋執旗牌曰衝鋒陷敵曰軍前効勞曰三次當先紀驗無審覈之公銓序無敗勦之實其改正重陞併功加授之類不可枚舉俱當釐正以絕弊源

事下兵部尚書彭澤覆奏從之先是錦衣衛額設

指揮使一同知二僉事三鎮撫二所千百戶各有

定員自正統後貴妃尚主公侯中貴子弟當授官

者俱寄祿衛中以材請選用遞進用事正德間諸

貴倖子弟以奏帶傳奉冒銜者不下數百人他衛

攝是至是指揮而下什之八旗校什之五歲

省度支數十萬計著為累勿得黃緣再進然未幾

而奏辦紛紛倖門為復開矣

九月癸酉 興獻妃至通州

先是禮部具儀 聖母至京宜由東安門入 帝

不從再議由大明左門入復不從 帝斷議由中

卷一

一

門入謁見 太廟朝議譁然不可禮部復請用王

妃儀杖送之 帝亦不從命錦衣衛以母后駕儀

往又 命所司製太后法服伺之至是 聖母至

通州聞朝議欲考 孝宗志曰安得以我子為人

之子謂從官曰爾曹已極寵榮 獻王尊稱胡由

未定因留通州不入 帝聞之涕泗皆 慈壽皇

太后願避位奉母歸藩聲臣惶懼

袁宗皋卒

起費宏為戶部尚書兼武英殿大學士參預機務

初正德辛未宏由禮部尚書入閣恩太子太保武

英殿大學士甲戌歲致仕家居者七年至是袁宗

卓卒廷和奏復起之

冬十月張璠上大禮或問

初璠上言大禮御史盧瓊給事中史于光交章劾

璠感亂宸聰宜加斥罰不報己而禮官復集廣

議上言不當帝后其所生留中不下于是毛澄等

以瓊于光言上請乞戒諭璠亦不報九月丙子

帝諭廷和曰朕父獨生朕不得承緒復不得徽稱

罔極何由報終勞卿等折衷伸朕孝思廷和等仍

守前議不欲變及聖母留通州不入帝欲避

位璠乃復為或問一帙辨析統嗣之異及尊崇慈

廟之說甚悉吏部主事彭澤錄遺內閣及禮官勸

改前議不從璠乃齋至左順門上之廷和令修撰

楊維聰等阻之不得帝覽之留中不下

辛巳尊邵貴妃為皇太后興獻王與獻妃為帝后

廷和見勢不獲已乃草勅下禮部曰聖母慈壽皇

太后懿旨以朕繼承大統本生父興獻王宜稱

興獻帝母宜稱興獻后獻廟貴妃邵氏稱皇太

后仰承慈命不敢固違帝從之廷和意假母后

亦非廷議意也

壬午興獻后至自通州

聖母以未得徽稱留通州者彌旬至是乃如京由

大明中門入帝迎于闕內以朝議不謁大廟

止見奉先奉慈二殿而已

乙酉主事霍翰等上言大禮

兵部主事霍翰見璠言欲用亦上言禮官持議非

是時同知馬時中國子監諸生何淵巡檢房濬各

上言如璠議帝益為之心動矣

論曰夫人彼勢而任權恒情爾于是時秉臣執

國是矣屹然不移而璠以孤議獨衡其間言出

而扞挾隨之力孰與秉臣競也顧么麼如淵濬

者俱從而比其說豈真是所在孰與權莫之能

魁耶嗚呼良賈弗讎人爭去之況未必良乎况

所易離而居之求驚尤人情也無異乎淵濬之

說不于彼而于此也

甲午諭加皇太后及興獻帝后尊號

廷和以違崇禮成擬上慈壽皇太后及武宗

皇后尊號帝因遣司禮監諭廷和曰邵太后

及興獻帝后亦各擬上尊號廷和等上言不可

宜俟明年大嘗禮成慶洽宮闈加之可也

甲戌乾清宮成

初正德甲戌正月乾清宮災至是始成帝自文

華殿入居之

以何孟春為吏部侍郎

時孟春為都御史巡撫雲南先上疏乞重天命以

興聖治勸帝修德勤政。知人親賢。帝嘉納之。至是又上言。竊見進士。屈儒上言。敬尊聖祖母。為太皇太妃。聖父為皇叔考。興獻大王。聖母為皇叔母。興獻大王妃。所云考字。臣愚不能無疑。禮有世父母。叔父母之文。而無世叔考。叔之說。宋真宗稱太祖為皇伯考。是興王業。後尊位者也。則皇叔考之稱。豈可加于興獻王乎。成王謂周公為叔父。是生稱之辭。既沒有稱叔父者。則皇叔父之稱。其可復加已。謚之親王乎。臣伏觀詔書。陛下稱先皇帝為皇兄。誠于興獻王稱皇叔亦允。惟矣。若非古之名不正之號。非臣所望于今日也。

卷一

十一 法子處事書

廷和覽疏以為有見。乃擢孟春吏部侍郎。

出給事中。熊浹為湖廣參議。

浹上言。皇上貴為天子。聖父聖母以諸王禮處之。安乎。臣以為當稱帝后而祀。興獻于別廟。則大統之義所生之恩。斯兼盡矣。乃出為湖廣布政使。司參議。浹大學士。費宏鄉人也。宏慮廷和疑已。故出之。

十有一月。封王守仁為新建伯。加喬守少保。餘有是。初守仁擒宸濠。諸姦任江彬等導。帝親征。且欲撤守功。詭言曲譜百計。欲去之。及宸濠伏誅。守仁以已得專制。平逆。皆兵部尚書王瓊力。乃歸功瓊。

執政者不悅瓊。亦因以忌守仁。久之不行賞。至是帝念守仁功。命兵部集議。差別諸從。成功。封守仁新建伯。特進光祿大夫。柱國。仍兼南京兵部尚書。參贊機務。歲祿千石。給誥券。子孫世襲。守仁聞命。疏辭。因極言揚廷和王瓊有發難之功。伍文定邢珣戴德孺陳槐曾與胡堯元劉源清萬津南喬李稱頌似劉守緒等。及鄉紳王懋中鄒守益伍希儒謝源等有摧鋒逆擊。贊錄之功。尚未酬。而舉人冀元亨為臣說濠搆死獄中。尤為含冤。不報。久之乃擢伍文定副都御史。任一子邢珣徐璉戴德孺擢布政使。餘不敘。

卷一

十四 法子處事書

十有二月。除張璉南京刑部主事。

先是。帝下大禮。或問于禮部。時楊一清家居。遣書吏部尚書喬守曰。張生此論。聖人不易。恐終當從之。守不聽。至是。廷和銜璉。授意吏部。除為南部主事。尚書石瑄語璉曰。慎之大禮。說終當行也。廷和寄語曰。子不應南官第靜處之。勿復為大禮說。難我耳。璉鞅鞅而去。

起林俊為工部尚書。

初俊為都御史。致仕家居。廷和寫書于俊。以決國是。俊止疏曰。孔子謂觀過知仁。陛下大禮未協。過于孝。故爾。司馬光有言。秦漢而下。入繼大統。或

尊崇其所生，皆取機當時，貽笑後世。陛下純德，何忍熱為，疏入留中，廷和遂奏起，佐力辭不聽。

論曰：書稱唯辟作威，福何云乎？唯也。言下弗得，干其重爾，威福自下，而大重移矣。于是信孟春，

繼法及理而登俊，果帝意邪？窺帝所欲，繼信必有在此不在彼者，而當事者互為之，是與

人主競東矣。競東者不保于庸闇之主，而况英明如肅皇耶？所爭即是，猶嫌無君，况以同異

私衷黨伐其間乎？此其終激而為後日之紛紛也。

大學士楊廷和蔣冕毛紀費宏俱求罷歸

卷一 一 蔣冕

先是帝下御劄諭加興獻帝后以皇字廷和

等上言恐奈一代綱常拂萬世公論不可因封還御劄帝曰卿言已悉第固極之恩報亦無方其

勉承朕命緝父興獻太皇帝母興獻太皇后廷和等復上言興獻帝后尊稱已極若復加皇

字與孝廟慈壽並尊是忘所後而重本生任私恩而棄大義臣等不能辭責俱願罷歸帝曰朕

奉昊天至情不必拘于史志可勉加皇字母託為辭于是吏部尚書喬宇率百官上言皇字不可加

帝曰慈壽皇太后懿旨有諭皇帝昏禮將行具加興獻帝后皇字朕不敢辭爾羣臣其承

后命廷和等見不可爭乃俱求罷歸不報禮部尚

書毛澄侍郎賈詠汪俊等上言若帝后之上有加則正統之親無別恐不可以吉郊廟而布天下內

閣大臣直言規諫宜賜俞旨帝不聽仍曰宜遵懿旨稱興獻皇帝興獻皇太后于是給事中

朱鳴陽等御史程昌等編修陳沂等百有餘人各上言加稱非是因是斥摠不聽

甘州總兵官李隆陰賊戍卒殺巡撫都御史許銘初銘至甘州斤斤自好較鎮巡諸官勿得侵牟士

卒隆以同里故滋不悅既而議減諸戍卒月餉三之一士心亦多怨之隆遂陰嗾諸卒王禮二等倡

言幕府減損糧餉不卹士伍當執而報之乃嘯聚千人擁入臺署假言告復原餉羅薛不已銘倉卒

避匿禮二等率悍黨歐而死復撤檄擡諸水良尸而焚之劫出軍械獄囚燬燒寺廟城中大震鎮守

太監董文忠聞變急禽禮二鞠之禮二對簿發隆嗾使陰謀隆聞之恐急索禮二梟斬以殉且圍城

口復嗾軍首蘇秀等誣銘貪殘魁餉激變邊卒疏聞于朝太監董文忠亦隨聲和之于是巡按甘肅

御史許鳳翔巡按陝西御史俞茂聖各上其事

卷之一終

涪川范守己輯

壬午嘉靖元年春正月己未郊清寧宮小室火考
孝宗敬皇帝母 慈壽皇太后

時郊祀甫畢清寧宮小室火風急不可撲滅大學士楊廷和等因上言火起風烈殆為天意况迫清寧後殿豈非 興獻帝后之加稱 祖宗神靈容有未悅者乎給事中鄧繼曾上言五行火主禮今日之禮名素言遜陰極變災臣雖愚知為廢禮之應也主事高尚賢上言郊祀甫畢即有清寧後宮之災意者 興獻帝后之稱于禮不能無疑復以

卷二

一 注卷之二

皇字稱之尤為過越鄭佐亦言魯做之災不于他宮而于清寧之後不在他日而在郊祀之餘變豈虛生災有由召 帝覽之心動乃從廷和等議稱 孝宗為皇考 慈壽皇太后為聖母 興獻帝后為本生父母而皇字不復加矣
附錄初 帝即位裁抑佞幸諸途俱清亡何興獻舊僚黃緣遷致至庖匠廝役多寄祿錦衣銜階資隆懋殆數百人而 皇太后親屬邵喜等狎侍恩寵請乞無厭其舊閣蕭敬等仍留大內所祀寺觀寇民產先降 明旨撤黜歸民者仍 命如舊存葺諸臣抗章屢以為言留中不省而左右近習願

時時有所移易于是給事中朱鳴陽因災上疏曰切見是月十一日清寧後室火雖曰小災竇關大體臣反覆思惟妄意揣度典禮失中與直言廢棄與齟齬太濫與刑罰維失與外戚驕盈與近幸干政與有一于此皆足召災况茲數愆各有指驗昔孔子聞魯災知為釐宮踰禮故也漢傳太后欲與成母等號大焚其居鴻寧殿今茲之火切近清寧豈非大禮不可踰而人言所當邨邪致警揚之誠以圖消弭之道此其尤為先務也大平既端餘弊當救 聖明御極言路始開近日以未聽納漸倦持逆心之論厭而不從爭大禮之章留中不報昔

卷二

二 注卷之二

人謂正士道消則火此其一也裁絀冒濫 明詔方行而冗流開進幸際復開文希京官武園世及皆籍 興邨為辭所謂放賢濫賞官非其人則火此又其一也權姦亂政天下愈心稅法曲全重違物論所謂滅盡法律則火此又其一也明君之于外戚慎始防微而指揮邵喜嘗過多恩寵太盛所謂外戚無功受寵則火此又其一也綸音之布所以示大信于天下而佞幸間得轉移聰明時有惑蔽一事之于尊前後互異一人之罪宥變更不一如近日傳奉鎮守主于何人擬條 意旨不由內閣治亂倣係豈宜潛移所謂貴近驕溢則火此

又其一也。然此數者皆典禮失中所致。蓋禮既拘私而直言者始不見用。希進者侍藩邸之私而醫濫始多。亂政者侍調護之私而大法始廢。外戚侍宮掖之私始妄請求。貴近侍逢迎之私始得干預。孔子名不正之論。至是無一不驗矣。惟皇上仰畏天變。俯卹人言。推災之所自起。以端其大本。而釐其厚弊。庶足以回天意矣。疏入。不報。

以故副使陳九疇為僉都御史。巡撫甘肅。初九疇為王瓊所構。論死。繫刑部獄。久之得釋。及瓊謫戍。彭澤起入兵部。久欲理九疇未之及也。至是甘州事聞。廷舉代許銘者眾。以九疇名上。

卷二 三

帝從之。乃以九疇為僉都御史。以往。兵科都給事中許復禮。御史王應鵬等。各上言。許銘被殺。而隆等無恙。必有陰謀。嗾使者乞遣法司臺諫官。察問及實數所失。錢穀軍械。下兵部議。彭澤以為宜檄巡按御史案覈。仍趣九疇。亟往體察之。已而巡按陝西御史喻茂堅。移禮部察院。言許銘。故振綱紀。而撫馭少恩。禁戢總鎮諸官。宜恭未。昂隆等。雖無故縱陰謀。難免嫁禍之罪。首惡王禮二等。已經梟斬。同亂六十餘人。俱已囚禁。第志在得餉。原無他謀。合免根究。以安人心。彭澤覆奏。以為隆等。宜加切責。戴罪視事。帝從之。乃降勅。切責隆及副總

兵事。義守備支勇。太監董文忠等。仍趣九疇。公行

革監督諸倉閩人

自宣德末。京通二倉。置總督閩宦一人。後黃緣滋多。所居號中瑞館。請置印記。漕輓軍民。橫被索求。不堪其擾。臨清徐州淮安諸倉。亦各置監督各一人。紛擾尤甚。至是戶部尚書孫交。上言。取諸閩人。還京。別用革中瑞館及各官署。帝從之。中外怡然。

發內外府儲金分餉諸邊

兵部尚書彭澤。因甘肅之變。奏發內府及大倉積金。及大僕寺馬價。共三十萬兩。分運諸邊。補給士卒。廩餉從之。

卷二 四

馬平盜起。平之。

廣西馬平府融縣盜。周克亮等。嘯聚萬餘人。僭署名號。流劫鄉落。居民總督都御史張循。以其狀聞。兵部覆奏。勅循。徵兵勤平。奏報。久之乃平。

二月。詳定朝參禮儀。

禮部奏定朝參諸儀。凡入門進班。奏啓。復命。及齊戒。忌辰。令節。予告。日期。以及御史鴻臚官面糾疏糾各禮。明日示遵守。從之。

附錄大能仁寺妖僧齊瑞竹。自正德間。黃緣。任幸。

晉領圖書及金印賞賚不貲工部侍郎趙璜奏乞
簿錄其財沒官從之其立明宮保安寺諸處所繪
諸像刮取金屑一千三十餘兩俱發商販以償夙
負

存問故大學士王鑿

初鑿為少傅兼太子太傅戶部尚書武英殿大學
士致任家居帝降特勅遣行人柯維熊即家中
存問之并示優眷鑿疏謝因上議學親政二事凡
數千言帝嘉納之

三月丁巳加上慈壽皇太后尊號及毅皇后號
戊午上皇太后尊號奉興獻后為興國太后

卷一

五

江寧府志

奉上慈壽冊寶號曰昭聖慈壽皇太后號毅皇
后曰莊肅皇后翌日奉上邵太后尊號曰
壽安皇太后興獻后曰興國太后壬戌布詔天
下曰自古帝王以孝治天下尊親之禮其來遠矣
仰惟聖母慈壽皇太后敬相皇考孝宗皇帝訓
育朕兄毅皇帝蔚有顯問皇嫂皇后表正宮闈母
儀有年重念聖祖母貴妃事我憲祖澤隆裕
佑本生父興獻王聰明仁孝本生母興獻王
妃莊敬勤儉誕育眇躬王承前烈謹奉冊寶上
聖母尊號曰昭聖慈壽皇太后皇嫂曰莊肅皇
后又奉聖母懿旨上聖祖母尊號曰壽安皇

太后本生父曰興獻帝母曰興國太后大禮
既舉洪恩誕敷先是司禮監傳諭興獻帝冊文
朕宜稱子廷和等上言不可復傳諭宜稱孝子廷
和等復言冊文稱長子本生之情自明請勉從正
禮從之故其冊詔若此

戊辰遣官詣安陸上興獻帝尊號

遣司禮太監溫祥督禮儀成國公朱輔上冊寶禮
部侍郎賈詠題神主竊違廷和指題其主曰興獻
帝神主不稱考及叔亦不著子名

勅封大學士楊廷和蔣冕毛紀及指揮邵喜蔣翰為
伯駙馬都御尉崔元為侯

卷二

六

江寧府志

帝念朔戴功勅下吏兵兩部議封廷和冕紀為伯
給誥券子孫世襲襲歲祿千石仍各任一子世錦
衣指揮駙馬崔元進爵為侯壽安皇太后弟指
揮邵喜興國太后弟指揮蔣翰各封伯大學士
費宏亦任一子興廷和子等毛澄加太子太傅任
一子世錦衣指揮同知壽寧侯張鶴齡加太師歲
增祿三百石太監張錦扶安溫祥賴義秦文張致
張淮蕭敬黃偉鮑忠各增歲祿任弟姪一人為錦
衣指揮使同僉等官其興邸承奉等官張佐董英
戴永張忠閻洪趙山等二十七人俱已授太監仍
各增祿任其弟姪惠安伯張偉侍郎鄭宗仁趙璜